

MOVIMENTU KONTRA OKUPASAUN TASI TIMOR (MKOTT)

Dili, 09 Agostu 2019

KOMUNIKADU IMPRENSA

MKOTT Halo Petisaun ba Federal Attorney General Australia nian atu Hapara Prosesu Judisiál Hasoru Advogadu Bernard Collaery ho Witness K

Movimentu Kontra Okupasaun Tasi Timor (MKOTT) ohin lansa petisaun públiku ida hodi husu ba Federal Attorney General Australia nian, Christian Porter, atu hapara proskusaun judisiál hasoru advogadu Australianu Bernard Collaery ho Witness K.

Antes ne'e, MKOTT espresa ona ninia hakfodak boot ho prosekusaun ida ne'e, ne'ebé MKOT argumenta katak so ditadór Soeharto, eix Prezidente Indonesia ne'ebé invade no okupa Timor-Leste, mesak mak bele halo no kondena prosekusaun ida ne'e nu'udár ataka ida ba liberdade espresaun no ba demokrasia.

Timor-Leste prepara hela atu selebra anniversariu Referendum ba dala-20 bainhira Timor oan sira vota esmagadoramente atu ukun rasik an husi Indonesia nia okupasaun. Iha okaziaun ida ne'e, Timor-Leste ho Australia mós sei ratifika tratadu ba fronteira marítima entre rai rua.

“Loron-30 fulan-Agostu tinan-2019 sei marka mós instânsia importante iha relasaun bilateral entre Timor-Leste ho Australia ho ratifikasaun ba tratadu fronteira marítima nasaun rua ne'e nian. Kestaun ida ne'ebé dezde 1999 sai tiha pontu de tensaun ida iha ita nia relasaun,” MKOTT nia petisaun hatete.

“Enkuantu Timor-Leste ho Australia atu selebra daudaun okaziaun importante ida ne'e, ami ne'ebé asina iha kraik ne'e nota ho arrendimentu boot katak governu Australia kontinua prosekusaun judisiál hasoru advogadu Bernard Collaery ho Witness K. Ema na'in rua ne'e eroi ba akordu fronteira marítima no tanba ne'e sira nia prosekusaun sei hafo'er selebrasaun ne'e no mós relasaun bilateral,” petisaun haktuir.

Atu labele hafo'er selebrasaun loron-30 Agostu tinan ida ne'e mak MKOTT husu ba Australia nia Attorney General atu hapara prosekusaun ne'ebé la'o hela.

“Tanba ne'e duni mak ami halo petisaun atu ita boot invoka autoridade ne'ebé Australian Judiciary Act 1903 Section 71 fó atu hapara tiha prosekusaun hasoru Bernard Collaery ho Witness K,” petisaun ne'e konklui.

MKOTT hein petisaun ida ne'e sei asina husi pelumenus ema Timor oan na'in rihun ida to'o fulan Agostu nia rohan.

RAMATA

Ba Informasaun Liu tan, halo favor kontaktu: Celestino Gusmão iha: 77432621